



Inatsisartuni ilaasortaq,  
Suka Frederiksen, Siumut  
-/ MAANI

## § 37 naapertorlugu nunalerineq pillugu apeqquteqaammut nr. 155-mut akissut

Inatsisartut suleriaasissaanni § 37-mi imm. 1 malillugut apeqquteqaateqarputit. Apeqqutit uanga suliasaqarfigisannit akineqartussanngorlugit innersuunneqarput

### 1. Aningaasanut inatsimmut 2016-mut immikkut Nunalerinermut aningaasaliissutigineqartut pingaarnersiuiinermi qanoq agguataarneqarpat?

#### Akissut:

2016-imut Aningaasanut inatsit malillugu nunalerinermut aningaasaliisoqarpoq imatut agguataarneqartunik:

#### 51.03.02

#### Nunalerinermik inuutissarsiuteqartunut aningaasalersuinikkut tapersiisarneq (tapiissutit aningaasaliissutit) **kr. 13.567.000**

Agguataarneri:	Tunisinermi tapiissutit	kr. 7.127.000
	Pilersitsinermi tapiissutit	kr. 104.000
	Ineriartortitsinermut pilers.tapiissutit	kr. 336.000
	<b>Tapiissutit allat</b>	<b>kr. 6.000.000</b>

Agguataarneri:	Piaqqiortunut tapiissutit	kr. 4.770.000
	Piaqqiortitassanut tapiissutit	kr. 600.000
	Qiviunut tapiisutit	kr. 200.000
	Naatitanut tapiissutit	kr. 200.000
	Nersutinut tapiisutit	kr. 130.000
	Piaqqiortitsineq (Fjarvis)	kr. 100.000

02-08-2016  
Suliap normua 2016-11499  
Allakkat nr. 12079974

Postboks 269  
3900 Nuuk  
Oqarasuaat (+299) 34 50 00  
Fax: (+299) 34 63 55  
E-mail: apnn@nanoq.gl  
www.naalakkersuisut.gl

**51.03.03 Ineriartortitsinermit tapersiissutit kr. 3.078.000**

Agguataarneri: Savaatillit allaffeqarfiat kr. 413.000

Nunalerinermit siunnersuisooqatigiit kr. 2.665.000

**51.07.40 Taarsigassarsiat, ernialersugaanngitsut, akilersugassaann-  
gitsullu kr. 6.039.000**

Agguataarneri: Taarsigassarsiasat erniaqaratillu

taarsersugassartaqanngitsut kr. 2.739.000

Narsaasiornerit kr. 2.000.000

Taarsigass.akilersornerini tapiissutit kr. 1.300.000

**51.07.42 Taarsigassarsiat erniallit kr. 7.500.000**

**2. Aningaasaliissutigineqartuni 2016-mut aningaasaliisutinit qassit  
atorneqareerpat?**

**Akissut:** Ataani takussutissiami ulloq manna tikillugu 2016-mi atoriikkat takuneqarsinnaapput:

Konto	Atukkat
51.03.02	12.961.000
51.03.03	2.423.000
51.07.40	428.396
51.07.42	4.785.000

**a) Sunut atorneqarpat?**

**Akissut:** 51.03.02-mi Neqimut tunisinermut, aallarlerlaanut, ineriartortitsinermit pilersaarutitut uumasuuteqarnermut, piaqqiortitsinermit, naatitsinermit kiisalu savanut piaqqiortunut tapiissutigineqarput.

51.03.03-mi nunalerineq pillugu siunnersuisoqarfimmut kiisalu SPS-mut atorneqarput.

51.07.40-mi aamma 51.07.42-mi immikkoortitat, seqernup qingorneri iluaqtigalugu kallerup inniliuutitut, umiatsiaaqqanut, savat inaasa natisaanut, naatsiaanut ilioraatinut, savat nerriviinut, illu naatitsivinnut, snescooterinut, imerterutinut, naggorisaaatitut, erngup nukiliorfeeqqanut, traktorinut, kussiuutinut, ivigarsuarnut poortutinut, narsaatit killilersornerinut, ujaqqanik katersissutinut, nunaatinut, traktorinut iluarsaasinerit kiisalu narsaasiornernut.

Takuuk ilanngussaq 1, annerusumik paasissutissiisoq

### **3. Nunalerinermut tunngasut suliniutit suut ingerlanneqarpat?**

**Akissut:** Nunalerineq pillugu ataatsimiititaliarsuup inassutai, ESU pillugu nassuiaat 2016 kiisalu Copenhagen Economics-ip nalunaarusiaa aallaavigalugit sulisoqarpoq. Nunalerineq pillugu Ataatsimiititaliarsuup inassuteqaatai inatsisigut, aningaasatigut kiisalu aningaasartuutikillisaanissamut tunngapput. APNN-mi nunalerinermut aamma ESU immikkoortoqarfimmit Narsap, Qaqortup, Igalikup kiisalu Qassiarsuup eqqaani savaatilinnut takusaasoqarsimavoq, taakkunani savaatillit peqatigalugit nukissiuuteeqqanik pilersitsinissamut periarfissanik misissuisoqarluni. Nukissiuuteeqqaninni pilersitsinermi ESU pillugu nassuaammi takuneqarsinnaavoq, ikummatissanut aningaasartuutit affaannangortinneqarsinnaasut. APNN-mi aammattaaq sulisoqarpoq 6 mill kr. qanoq ajornanginnerisumik savaatilinnut tutsinneqarsinnaaneri siunertaralugu. Takuuk apeqquut 4-mut akissut.

### **4. Nalunaarutit nutaanngilinikuusut nutartertariaqartut suliarineqarneri sumut killippat?**

**Akissut:** APNN aallartitsinikuuvoq inatsisit, nalunaarutit peqqussutillu allangortinneqarsinnaaneri siunertaralugu, taakkunuunatigut savaatillit aningaasarsiornerat pitsannngorsarniarlugu.

- Namminersorlutik Oqartussat, savaateqarneq, hestiuteqarneq, aammalu nersutaateqarneq pillugu nalunaarutaat nr. 13, 16 juni 2016-meersoq, 20. juni 2016 atuutinneqalersoq, tassani nerukkaatissanut nerukkaatissanillu peqqumaateqarnissamut annertussusaanut piumasaaqatit kiisalu savat, hestit nersussullu inaasa ilusissaat pillugit nalunaarut.
- Nunalerineq pillugu Inatsit 2. maj 1996-meersoq allangortinnissaa siunertaralugu sulisoqarpoq.
- Namminersorlutik Oqartussat savaateqarfinnik aallartitsinermut, kingornussinermut imaluunniit ingerlatitseqqiinermut tapiisarneq

pillugu nalunaarutaat suliarineqarpoq, ukiamullu naatsorsuutigineqarpoq atuutilissasoq, tassani naammagittaalliorsinnaanermut apeqqummut ilassaa inisseriarpat.

- Taassuma kingorna Nunalerinermik inuussutissarsiornerup siuarsarissaa pillugu Inatsit misissorneqassaaq.
- Nunaateqarnerup ineriartortinneqarnissaa pillugu nalunaarut aamma nunaateqarnermut nakkutilliinermi maleruagassat.
- Neriniartitsivinnik narsaateqarneq aamma uumasuuteqarneq, kiisalu aalisarneq, piniarneq nunalerinerlu pillugit, Inatsisartut peqqussutaat nr. 10. 12. november 2001-meersoq allannguutissanik siunertaqarluni

**5. Savaatit tunineqartartut savaateqarfiillu ikiliartortut amerliartortinnissaanut Naalackersuinikkut suut pilersaarutigineqarpat?** (Pilersaarutit ilanngunneqarnissaat kissaatigaara)

**Akissut:** Savanik toqoraasoqarnissaa pilersaarutaanngilaq, killormulli savat amerlisarnissaat suliniutigineqarpoq, taamaalilluni nunatsinni savaaqqat neqaanik pisariaqartitsinermut naammattunngortinniarlugu. Savat piaqqiorsinnaajunnaarnikut, kisimik toqorarneqartarnissaat siunertaavoq. Savanik toqoraaviup savaaqqat 35.000 toqorarsinnaavai, Naalackersuisullu siunertaraat taakku angunissaat.

Savaateqarfiit qimanneqarnikut ingerlaqqilernissaat Naalackersuisut isumaaniipput. Tamannalu pitinnagu savaatillit piginnittuusimasunut qimatsisimasunulli piginnittusaaanermi ajornartorsiutit qaangerneqaqqaartariaqarput. Copenhagen Economic-siniit aningaasatigut kingunerisinnaasaat pillugit nalunaarusiaq, uunga ilanngunneqartoq takuuk.

**a) Nunalerinermik inuussutissarsiuqartut Peqatigiiffiat (SPS) qanoq pilersaaruteqarpat?** (Pilersaarutit ilanngunneqarnissaat kissaatigaara)

**Akissut:** Naalackersuisut SPS-miit pilersaarutit saqqummiuneqarnissaat utaqqivaat.

**6. Aningaasaliissutigineqartartut immikkut ilassuteqarfigineqartarput, savaateqarfiit ikiliartorput, tapeeriaatsit ingerlatseriaatsillu allanngortinniarneqarpat?**

**Akissut:** Aap, apeqqummut 3-mut akissut takuuk.

**7. Agguaqatigiisillugu savaateqarfiit ataasiakkaat tapiissutinik pissarsiarisartagaat ukiuni kingullerni pingasuni qanoq agguataarneqarnikuuppat?** (takussutissanik ilanngussisoqarnissaa kissaatigaara)

**Akissut:** ESU pillugu nalunaarusiami, ukioq manna siusinnerusukkut saqqummiunneqartumi agguaqatigiisillugu 2014-mi savaateqarfik ataaseq 425.565 kr.-nik tapiiffigineqarpoq.

Taakkulu saniatigut savaatillit erniakitsunik atukkerneqarnissaminnut periarfissaqarput.

Aammalumi savaatillit ataatsimoorussanik toqqaannanngitsumik 10 mill. kr.-it missaanik tapiiffigineqartarput Nunalerinermut Siunnersorteqarfimmut, SPS-mut aamma NEQI-mut tunniunneqartartunik.

ESU pillugu nalunaarusiaq ilanngunneqartoq takuuk.

**8. Allaniq uumasuteqarnerit eqqarsaatigalugit kommunimiit imaluunniit SPS-ip tungaaninngaaniit arlalinnik misissuisoqartoq siorna § 37 apeqquteqaat aallaavigalugu akissut aqqutigalugu ilisimatinneqarpunga, sumut suliniutit killippat?**

**Akissut::** Naalakkersuisut misissuisimanerit inernerinik sulit tigusaqanngillat.

**9. Savaateqarnerup saniatigut uummasuutinut nutaanut aallarnissainissamut suut periarfissartinneqarpat?**

**Akissut:** Savaateqarneq, hestiuteqarneq kiisalu nersutaateqarneq pillugu, apeqqut 4-mi akissummi eqqaaneqartumi nalunaarutissami periarfissaqassaaq uumasunik allaniq umasuuteqarsinnaaneq. Tassanilu nersutit mikinerusut annerusullu immikkoortinneqarsimapput. Nunaatit neriniartitsiviusut pillugit Nalunaarummi ullumikkut atuuttumi uummasuutit soorlu savat, hestit, nersussuit, savaasat, puulukit, tuttut nujuitsut kiisalu umimmaat nunaateqarnermi uummasuutigineqarsinnaasutut eqqartorneqarput.

**a) Savaatilittulli aallararterlaattut uummasuutinik allaniq ingerlataqarniarlutik pilersaartut inatsisitigut periarfissat assinganik atuinissaminnut periarfissaqartinneqarpat?**

**Akissut:** Savaatilittut aallartitsiniarluni tapiisarneq pillugu Namminersorne-rullutik Oqartussat nalunaarutaat nr. 23., 8. august 1993-meersoq malillugu periarfiisaqarpoq savaatilittut aallartitsiniartunut tapiinissaq. Apeqqut 4-mi akissummi takuneqarsinnaasutut nalunaarut taanna aqqiissuunneqarpoq, aqqiissutissallu ukiamut atuutilernissaat naatsorsuutigineqarpoq. Uummasuutit nujuartaanngitsut nujualalersimasullu Nalunaarutissami nutaami eqqartorneqarput, savateqarnermuinnarlu nalunaarusiaassanani. Nalunaarutissaq aallaveqarpoq, Nunalerineq pillugu Inatsisartut inatsisaannit, maannakkut aqqiissuunneqartumi, kiisalu nunalerinerup siuarsarneqarnissaa pillugu

Inatsisartut inatsisaannit, uumasuteqarnermut piaqqiortitsinermullu ataatsimut isigalugit tunngasumut

Inussiarnersumik inuulluaqqusillunga

Nikolaj Jeremiassen

**ILANNGUSSAQ 1 - 2016-imi ESU-mi nunalerineq pillugu attartukkanut suliat**

	Aningaasanut inatsimmi konto	
	51.07.42	51.07.40
Siunertat	Taarsisugassat	Taarsersugassaanngitsut
seqernut qinggornerinik nukissiuutit	280.915,20	
umiatsiaaqqat	1.090.044,30	
savat inaani natsissat, nerisitsiviit, imerfiillu	33.171,68	166.308,36
traktorinik aserfallatsaaliinnerit	95.131,80	
naatsiaanut ikkussuutit	168.750,00	
drivhusit	9.290,20	46.459,20
snescooter	101.700,00	
atortut nunanerlinermut tunngasut	606.197,33	
imermit nukissiuuteeqqat (atukkat saniatigut)	441.286,72	
traktorit	1.101.927,00	
kussiuutit	99.000,00	
annanik naggorissaat ataatsimoorussaq	111.870,00	
naasaatinut imerterutit	600.004,95	
narsaatinut ungalussat	13.000,00	48.000,00
nammineerluni illuliassat(attartoriikkat qaavat)	34.200,00	
	4.786.489,18	260767,56

ESU pillugu nassuiaat:

[http://naalakkersuisut.gl/~media/Nanoq/Files/Attached%20Files/Fiskeri\\_Fangst\\_Landbrug/GL/2016/ESU%20Redegørelse%20gl.pdf](http://naalakkersuisut.gl/~media/Nanoq/Files/Attached%20Files/Fiskeri_Fangst_Landbrug/GL/2016/ESU%20Redegørelse%20gl.pdf)

Inuiaqatigiinnut aningaasatigut sunniutigisinnaasaat pillugit nalunaarussiaq (Copenhagen Economics):

[http://naalakkersuisut.gl/~media/Nanoq/Files/Attached%20Files/Fiskeri\\_Fangst\\_Landbrug/GL/2016/Målrettet%20støtte%20til%20det%20grønlandske%20landbrug%20GL.pdf](http://naalakkersuisut.gl/~media/Nanoq/Files/Attached%20Files/Fiskeri_Fangst_Landbrug/GL/2016/Målrettet%20støtte%20til%20det%20grønlandske%20landbrug%20GL.pdf)

**Ilanngussaq 2:** Nunalerineq pillugu ataatsimiititaliarsuup isumaliutissiissutaa februar 2014

[http://naalakkersuisut.gl/~media/Nanoq/Files/Attached%20Files/Fiskeri\\_Fangst\\_Landbrug/GL/2016/Final\\_Rapport%20landbrug%202014\\_Chair\\_GRL\\_pdf.pdf](http://naalakkersuisut.gl/~media/Nanoq/Files/Attached%20Files/Fiskeri_Fangst_Landbrug/GL/2016/Final_Rapport%20landbrug%202014_Chair_GRL_pdf.pdf)